

## INVITAZIUN

alla radunanza communal digl cumegn da Surses da  
**glindesde, igls 28 d'otgover 2019, allas 20.00**  
an sala da cumegn Grava a Savognin

### **Abilitad da votar an fatgs communals (art. 7 constituziun communal)**

Abels da votar èn tottas persungas tgi on cumplania igl 18avel onn da naschientscha.

Exclus digl dretg da votar e dad eliger èn persungas tgi èn sot curatella cumplessiva perveia dad inabilitad da giuditgier permanenta u tgi vignan represchentadas dad en mandatari.

### **Dretg da votar a Surses (art. 8 constituziun communal)**

Igl dretg da votar an fatgs communals on igls burghes svizzers domiciliias aint igl cumegn scu er las persungas digl exterior, tgi disponan d'ena lubientscha da domicil C, abiteschan ed èn annunztgias sainza interrupziun an total aglmanc 5 onns aint igl cumegn da Surses. Igl taimp da domicil aint igls anteriours cumegns digl Surses vign er chinto.

### **Tractandas**

01. Bavagnaint ed elecziun digls dombravouschs
02. Project d'investiziun pertutgont l'equipaziun dall'Alp Flex; part Tgalucas - Tga d'Meir: dumonda per credit d'object da fr. 315'000.00
  - a) Preschentaziun e discussiun
  - b) Approvaziun
03. Project da SIE pertutgont maseiras d'urgenza siva donns da maloras: credit supplementar da fr. 400'000.00
  - a) Preschentaziun e discussiun
  - b) Approvaziun
04. Tractar la moziun tgi è neida acceptada dalla radunanza communal pertutgont l'elaboraziun d'en profil directiv pigl cumegn da Surses; cunterproposta dalla suprastanza communal
  - a) Preschentaziun e discussiun
  - b) Decisiun
05. Diversas infurmaziuns
06. Varia

### **Aveis**

Igl protocol dalla radunanza communal digls 26 d'avost vign exponia digls 20 da settember anfignen igls 21 d'otgover per invista agl spurtegl dalla canzleia communal. Ultra da chegl vign igl protocol er mess sen la pagina d'internet digl cumegn. Durant chel termin d'exposiziun da 30 deis pon neir inoltradas protestas cunter igl protocol. Cunchegl tg'igl termin d'exposiziun è betg anc spiro, vignan eventualas protestas tractadas pir a caschung d'ena proxima radunanza communal.